

## ZAPISNIK SA 30. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK, 28.06.2022. GODINE

**Prisutni:** Džemal Kahrica; Amir Džidić; Merima Kurtović-Pašalić; Elvis Čengić; Mubera Herac; Ekrem Agić; Edis Fočo; Samir Gadžo; Josip Sogović; Mustafa Baručija; Nihad Arnautović; Dragan Miljević; Sadin Kavazović;

**Odsutni:** Neda Tadić; Rifat Kukić; Omer Bukić—**opravdano**

Dnevni red:

1. Zapisnik sa 29. sjednice
2. Aktuelna situacija u BHRT-u
  - Uslovi rada u IT centrima BHRT-a (ITC Tuzla)
3. Blagajnički izvještaj (maj 2022)
4. Adriatic izvještaj (maj 2022)
5. Pomoć
6. Razno
  - Marš mira

**AD 1.** A.Džidić je na osnovu člana 35. Statuta Samostalnog sindikata radnika u BHRT-u, otvorio 30. sjednicu UO SSR u BHRT-u i predložio dnevni red koji je jednoglasno usvojen kao i zapisnik sa 29.sjednice UO sindikata.

**AD 2.** A.Džidić je izvjestio UO da je rukovodstvo sindikata (A.Džidić, M.Kurtović-Pašalić, Dž.Kahrica i E.Čengić) održalo 13.06.2022. sastanak sa generalnim direktorom neposredno prije isplate plate i tada je rečeno da se do kraja mjeseca očekuje isplata toplog obroka i naknade za prijevoz. Predsjednik sindikata je poslao poruku sa upitom o isplati toplog obroka obzirom na tešku finansijsku situaciju i rečeno je da se sredstva skupljaju za isplatu toplog obroka..

Povod za sastanak kod generalnog direktora je Služba sigurnosti odnosno dopis u kojem se od rukovodioca službe traži brojno stanje kao i stručne spremne uposlenika. Na insistiranje Dž.Kahrice generalni direktor je dan nakon sastanka sa sindikatom održao sastanak i sa Službom sigurnosti i razgovarao o problemima.

E.Agić je istakao da je u Službu sigurnosti došao dopis direktora u kojem se traže stručne spremne uposlenika, certifikati o sigurnosti kao i godišta uposlenika. Prema njegovim riječima već neko vrijeme od pojedinih uposlenika dobijaju prijetnje i najave da će se ove službe ukinuti i kako ne treba uopšte da postoji. Generalni direktor je održao sastanak sa svim uposlenicima iz ove službe a koji su članovi sindikata i rekao da ne nasjedaju na hodničke priče i ukoliko dodje do ukidanja službe neće niko ostati bez posla i svi će biti raspoređeni u skladu sa stručnom spremom. A.Džidić je istakao da će sindikat stati uz sve uposlenike/članove sindikata iz ove službe.

Dž.Kahrica je istakao da je napravljen zapisnik sa sastanka Službe bezbjednosti sa generalnim direktorom na kojem su pored uposlenika i E.Agića bili prisutni M.Kurtović-Pašalić i Dž.Kahrica. Zapisnik je dostavljen izvršnom sekretaru za arhiv.

A.Džidić je istakao da je sindikat upoznao generalnog direktora o problemu nosanja opreme trećih lica u Zenici na utakmici UEFA. Prema mišljenju A.Džidića nepojmljivo je da snimatelji na kraju radnog vremena nosaju kofere sa opremom za treća lica. Kako je istakao A.Džidić i glavni inženjer je reagovao o problemima na pomenutom terenu i prema njegovim informacijama na drugoj utakmici koju su uposlenici realizovali u Zenici snimatelji nisu nosili opremu i postavljali kamere.

A.Džidić je uputio na UO sindikata izvještaj o stanju u IT centrima BHRT-a, odnosno o osnovnim i minimalnim uslovi za rad, koji su veoma je loši. Svaki IT centar suočava se sa ozbiljnim problemima od kojih je izdvojio:

ITC Tuzla; objekat u kojem se nalaze prostori ovog centra je BKC-ov, kojem se vjerovatno plaća određena naknada za rentanje, što ga međutim i ne obavezuje da ove prostore drži čistim ili da povremeno investira u sanacione radove. Prozori u redakcijama poslije postavljanja nikada nisu finalizirani. Pijena je odavno promijenila boju i samim tim izgubila bilo kakvo svojstvo zaštite, koje zapravo i nema, jer i manja kiša uzrokuje probleme i gotovo po pravilu plavljenje prostora. Tepisi u redakcijama posljednji put su promijenjeni prije 35 godina i predstavljaju ozbiljan izvor zaraze. Klima uređaja u ovim prostorima nema. ITC Tuzla ne posjeduje službeno vozilo.

ITC Mostar, ITC Bihać, ITC Zenica; nemaju probleme kao kolege u Tuzli, ali daleko od toga da su uslovi rada i blizu zadovoljavajućim. Emiteri, posebno FTV, konstantno upošljavaju uglavnom novinare, što povećava obim posla kolegama u tehnicima, a pri tom njihova primanja ostaju na istom nivou. Zna se desiti da jedan snimatelj na primjer dnevno ima obavezu da snimi i desetak različitih sadržaja, a ti ljudi su na dnu ljestvice koja određuje njihov položaj u sistematizaciji radnih mjesta. ITC Zenica muku muči sa prostornim kapacitetima. U kancelariji TV redakcija, koja raspolaže sa 16 m<sup>2</sup> dnevno boravi i radne zadatke obavlja 6 novinara (2 BHT1 +4 FTV). Njihove zahtjeve ispunjavaju dva snimatelja u dvije smjene i jedan montažer. Klima uređaj je naispravan.

D.Miljević je uputio dopis UO sindikata u kojem je kao predstavnik zaposlenih u IT Centrima izvjestio sindikat o vrlo teškim uslovima rada u kojima se radi u pojedinim Centrima, a posebno u ITC Tuzlu u koji nije uloženo godinama nit jedna KM a od njih se očekuje rad kao u najboljim uslovima. D.Miljević je predložio da se napravi jedna ekipa koja bi otišla u Tuzlu snimila stanje potrebnih radova i pristupila realizaciji istih u što kraćem roku.

Kolege koordinatori su insistirali u pisanoj formi, kod menadžmenta da ih primi na sastanak po mnogim pitanjima ali su ostali bez odgovora. Prema mišljenju D.Miljevića da bi sindikat predstavnici zaposlenih trebali pomoći u organizaciji ovog njihovog sastanka, preko naše delegacije koja ide na sastanke kod direktora. A.Džidić je stave da sindikat ne treba da prisustvuje tom sastanku a isti podržava.

Nakon kraće rasprave u vezi uslova rada na nivou IT centara kao i cijele kuće, UO jednoglasno usvojio zaključak da se uputi dopis menadžmentu BHRT-a u kojem se traži da se učini sve kako bi se uslovi rada u IT Centrima BHRT-a popravili. Ovo se posebno odnosi na ITC Tuzla gdje su uslovi rada ispod svakog minimuma.

Kao drugi zaključak A.Džidić je predložio da Sindikat podrži rješavanje problema u ITC Tuzla, na način da se ako ništa drugo osiguraju sredstva za promjenu tepiha u redakcijama. Nakon duže rasprave, A.Džidić je povukao prijedlog dok se ne vidi hoće li menadžment išta riješiti kada su ovi problem u pitanju.

D.Miljević je postavio upit dal' je sindikat dobio odgovor na upit od prošlog mjeseca. Sindikat do današnjeg dana nije dobio nikakvu odgovor na dopis sindikata iz maja 2022.godine. Dž.Kahrica je istakao da je prvi dopis upućen u decembru a drugi u maju ove godine.

M.Kurtović-Pašalić je mišljenja da se povovno uputi dopis menadžmentu sa upitom o isplati sredstava i ukoliko sindikat ne dobije odgovor mišljenja je da sindikat izađe u javnost da menadžment ne želi sa sindikato da pregovara i razgovara.

UO sindikata je jednoglasno usvojio još jednom da se uputi dopis sindikata menadžmentu uz dodatak zaključka o uslovima rada u IT centrima. U dopisu reprezentativnog sindikata se traži :da se dostavi u pisanoj formi plan isplate zaostalih i tekućih naknada radnicima BHRT-a. Od menadžmenta se traži da se učini sve kako bi se uslovi rada u IT Centrima BHRT-a popravili. Ovo se posebno odnosi na ITC Tuzla gdje su uslovi rada ispod svakog minimuma. Tražimo da nam dostavite prosjek plaća uposlenika po sektorima proteklih šest mjeseci.

**AD 3.** Blagajnički izvještaj D.Karšić za maj 2022. godine je primljen k znanju.

**AD 4.** Izvještaj M.Herac o poslovanju sa Adriatic osiguranjem za maj 2022. Godine je primljen k znanju.

**AD 5.** Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec juni 2022. godine dobiju slijedeći članovi: Žuga Nijaz 400,00 KM (II dio), Suljović Razija 400 KM (I dio), Cakić Šarkan 500KM, Macić Samir 600KM. Ukupno 1.900,00 KM.

Za rođenje djeteta Poklon DM-a u iznosu od 150+50KM (poklon bon 8.mart) predložena je Marsela Bilić  
Prijedlog odluke komisije je jednoglasno usvojen.

**AD 6.** M.Herac je predložila da sindikat na neki način obilježi Marš mira i genocid u Srebrenici. Nakon kraće rasprave, jednoglasno je usvojen zaključak da delegacija sindikata položi cvijeće u Potočarima prije same dženaze obzirom na obaveze koje uposlenici imaju za vrijeme obilježavanja genocida u Srebrenici 11.07.2022.godine.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Amir Džidić